

**15. fundur Atvinnu- og hafnarnefnd**  
**Strandgötu 38, 18. september 2017**  
**og hófst hann kl. 17:00.**

**Fundinn sátu:**

Björgvin Sigurjónsson (BS), formaður, Björgvin Smári Haraldsson (BSH), aðalmaður, Kristinn Hilmar Marinósson (KHM), aðalmaður og Indriði Indriðason (II), sveitarstjóri.

**Fundargerð ritaði:** Björgvin Sigurjónsson, Formaður

**Dagskrá:**

- 1. Hafnargjöld: Skil á upplýsingum vegna hafnargjalda. - 1709015**  
*Afgreiðslu er frestað og nefndin óskar eftir að fá fund með hagsmunaaðilum. Samþykkt samhljóða.*
- 2. Hafnarmál: Skil á upplýsingaum vegna hafnragjalda - 1709019**  
*Afgreiðslu er frestað og nefndin óskar eftir að fá fund með hagsmunaaðilum. Samþykkt samhljóða.*
- 3. Hafnarmál: Hafnarsvæði umhverfismál. - 1709016**  
*Lögð er fram tillaga að bréfi og er hafnarstjóra senda erindið og afrit á Heilbrigðiseftirlit Vestfjarða og Umhverfisstofnun*  
  
*Samþykkt samhljóða.*
- 4. Hafnarmál: Hafnarreglugerð Tálknafjarðar - 1709001**  
*Hafnarstjóri kynnti bréf sem sent var Samgöngu-og sveitarstjórnarráðuneytinu. Jafnframt leggur hafnarnefnd til að gjaldskrá Tálknafjarðarhafnar verði endurskoðuð.*  
  
*Samþykkt samhljóða.*
- 5. Hafnarmál: Bráðabirgðarlöggilding vigtarmanns. - 1709004**  
*Hafnarstjórn samþykkir fyrir sitt leyti að LM (140860-xxxx) verði veitt bráðabirgðalöggilding vigtarmanns.*  
*Komi upp sú staða að vigtarmaður teji sig vera vanhæfa til að sinna ákveðnum hluta starfsins, hefur hafnarstjórn fengið samþykki hjá öðrum aðila sem er löggiltur vigtarmaður að leysa af, sé þess þörf.*  
*Samþykkt samhljóða.*
- 6. Beiðni: um fjárhagsupplýsingar - 1709009**

Búið er að fela KPMG að yfirfara upplýsingar sem óskað er eftir og skila til Sambandsins

*Hafnarstjóri upplýsti að búið sé að senda umbeðnar upplýsingar til endurskoðenda, sem mun yfirfara gögnin og senda þau áfram.*

*Til kynningar.*

**7. Gasolíutankur: Ósk um að bæta við tanki - 1708024**

*Tekið fyrir erindi frá Skeljungu ehf., en þar segir:*

*Skeljungur hefur verið að auka við þjónustu sýna á sunnanverðum vestfjörðum undanfarið. Við viljum taka þátt í að styðja við aukin umsvif á svæðinu eins og kostur er. Í dag er Skeljungur með 6.000 litra geymi á bryggjunni á Tálknafirði. Við óskum eftir því að bæta við öðrum geymi, 9.990 litra tanki, sem yrði tengdur við þann tank sem fyrir er. Skeljungur óskar hér með eftir því að fá leyfi Tálknafjarðarhrepps fyrir ofnagreiðu fyrirkomulagi.*

*Atvinnu og hafnarnefnd tók jafnframt fyrir bókun frá Byggingar-, skipulags og umhverfisnefndar varðandi olíutank, sem er búið er að staðsetja við Tálknafjarðarhöfn og var eftirfarandi var bókað*

*Byggingar-, skipulags- og umhverfisnefnd beinir þeim tilmælum til sveitarstjórnar að Skeljungu verði gert skylt að ganga frá olíutanki við Tálknafjarðarhöfn á varanlegan hátt sem allra fyrst. Frágangur tanksins er með öllu ólíðandi og ekki í samræmi við gildandi reglur, tankurinn sem inniheldur [12.000] 9.990 lítra af gasolíu stendur á stafla af gangstéttarhellum.*

*Atvinnu- og hafnarnefnd tekur undir bókun Byggingar-, skipulags og umhverfisnefndar og óskar eftir að Skeljungur sæki um leyfi hjá Byggingarfulltrúa varðandi uppsetningu á olíutank. Samþykkt samhljóða.*

**8. Umhverfismál. Umgengi og frágangur olíutanka við höfnina. - 1709002**

*Atvinnu og hafnarnefnd þakkar framkomnar ábendingar í bókun Byggingar-, skipulags og umhverfisnefndar. Samþykkt samhljóða*

**9. Reglugerð: um slysavarnir og öryggisbúnað í höfnum - 1709013**

*Nefndinn fagnar þeim ábendingum sem koma fram í reglugerðinni. Jafnframt er hafnarstjóra falið að fá úttekt á öryggismálum hafnarinnar hjá Samgöngustofu.*

*Samþykkt samhljóða*

**10. Hafnarmál: Aðkeypt vinna Tálknafjarðarhafnar 2017 - 1709018**

*Innri viðskipti aðkeypt vinna af skrifstofu.*

*Atvinnu og hafnarnefnd samþykkir að greiða 300 þús kr á mánuði fyrir aðkeypta vinnu hjá skrifstofu.*

*Samþykkt samhljóða.*

**11. Umsagnarbeiðni: - Niðurlagning vita - 1707011**

*Enginn umsögn senda.*

**12. Áskorun: Bann gegn svartolíu og fleira - 1706035**

*Tekin er fyrir áskorun frá Náttúruverndarsamtökum Íslands og aðgerðarhóp í loftslagsmálum. En í erindinu kemur eftirfarandi fram:*

*Áskorun til aðildarríkja Alþjóðasiglingamálastofnunarinnar (IMO)  
Undirrituð fyrirtæki, sveitarfélög, stofnanir og frjáls félagasamtök skora á fulltrúa  
aðildarríkja hjá Alþjóðasiglingamálastofnuninni (IMO), að grípa nú þegar til  
markvissra aðgerða til að draga úr losun gróðurhúsalofttegunda vegna siglinga,  
einkum í norðurhöfum.*

*Rannsóknir sýna að sýrustig sjávar eykst stöðugt vegna síaukinnar losunar  
koltvísýrings út í andrúmsloftið og norðlægum slóðum eykst súrnunin hraðar en í  
heitari sjó. Þessi þróun ógnar nú þegar vistkerfi hafsins og því ber öllum þeim sem  
spornað geta við þessari þróun að leggja sitt að mörkum.*

*Til að ná þeim markmiðum sem aðildarríki Parísarsamkomulagsins settu sér, skorum  
við á IMO að setja skynsamlegar reglur um um siglingar í norðurhöfum í þágu  
umhverfisins. Í því felst m.a.:*

*a) Að bann við notkun svartolíu sem eldsneyti á skip innan þess svæðis sem IMO hefur  
skilgreint sem norðurslóðir.*

*b) Að skilgreina svæðið norðan 60. breiddargráðu sem ECA svæði (Emission controlled  
area).*

*Aukum siglingum um Norðurhöf fylgir aukin mengun og hætta á mengunarslysum.  
Hafsvæðið norðan 60. breiddargráðu er afar viðkvæmt svæði, þar sem fiskistofnar eru  
undirstaða efnahags aðliggjandi landa. Það er augljós skylda aðildarríkja IMO að  
grípa til allra nauðsynlegra ráðstafana til að draga úr hætta á mengun og þeim  
breytingum á lífríki sjávar sem hlýnun jarðar hefur í för með sér.*

*Svartolía er mjög eitruð og seigfljótandi og bruni hennar hefur afar neikvæð áhrif á  
loftslag jarðar.*

*Þess vegna skora undirrituð fyrirtæki, sveitarfélög, stofnanir og félagasamtök á  
leiðtoga landa innan IMO að grípa nú þegar til viðeigandi ráðstafana og láta verkin  
tala.*

*Atvinnu- og hafnarnefnd tekur undir áskorun Náttúruverndarsamtaka Íslands og  
aðgerðarhóps í loftslagsmálum.*

*Samþykkt samhljóða.*

**Fleira ekki gert. Fundi slitið kl. 18:20.**

15. fundur  
15. desember 2017

---

Björgvin Sigurjónsson (BS)

---

Björgvin Smári Haraldsson  
(BSH)

---

Kristinn Hilmar Marinósson  
(KHM)

---

---

Indriði Indriðason (II)

---